



Inatsisartunut ilaasortaq
Niels Thomsen
Demokraatit

**Ilinniartut inuuniarnikkut atugaat pillugit § 36 naapertorlugu apeqqummut nr. 177-
imut akissut**

Naalakkersuisut qujapput Inatsisartut suleriaasianni § 36, imm. 1 naapertorlugu 28.
september 2010-mi imaattumik apeqqutigisannut:

**2010-mi Inatsisartut upernaakkut ataatsimiinneranni aaliangiunneqarpoq,
Naalakkersuisut misissuinermit suliaqassasut, qulaajarlugulu kalaallit ilinniartut
nunatsinni, Danmarkimi, nunanilu allani qanoq inuuniarnikkut atugaqarnerat.
Siunertaralugu atugarisaat pitsanngorsaaffigineqarnissaat naligiimmillu
atugaqalernissaat. Misissuineq tamanna sumut killeqarpa?**

Akissut:

Naalakkersuisut UPA 2010/156-imut akissutaanni allasimasutut ilinniartut atugaannik
misissuineq pillugu Inatsisartuni aalajangiineq pillugu Naalakkersuisut KIK-mut,
Avalammut Kisarmullu upernaarli saaffiginnipput. Saaffiginninnerni paasinarsisimavoq
taamanili Avalak ilinniartut inuuniarnikkut atugaannik misissuinermit
aallartitserersimasoq. Nunatsinni Danmarkimilu kalaallit ilinniartut misissuinermit
pineqarput. Kultureqarnermut, Ilinniartitaanermit, Ilisimatusarnermut Ilageeqarnermullu
Naalakkersuisoqarfik isumaqarpoq taamatut misissuinermit aallartitseqqinnissamut
misissuineq taanna naalakkersuisoqarfiullu misissuiniarnera assigiippallaartut.
Taamaattumik Avalak isumaqatigiissuteqarfigineqarpoq Avalaap misissuinermit
ataatsimut naliliinermit aallaaviussasoq.

Tamatuma kingorna Avalak 26. maj 2010-mi ataatsimeeqatigineqarpoq, tassani
Inatsisartuni oqaluuserisassaq Naalakkersuisunit ilisimatitsissutigineqarluni Avalallu
misissuineq aallarterersoq pillugu ilisimatitsilluni. Tamatumunnga atatillugu Avalammit
erseqqissaatigineqarpoq Nunatsinni ilinniartut aamma misissuinermit ilanngunneqartut.
Avalaap nalunaarussiaq 17. august 2010-mi Kultureqarnermut, Ilinniartitaanermit,
Ilisimatusarnermut Ilageeqarnermullu Naalakkersuisoqarfimmut nassiuppaa.

Nalunaarussiaq tigunerata kingorna Avalak 14. september 2010-mi
ataatsimeeqatigineqarpoq tassani aamma isumaqatigiissutigineqarluni Avalak
misissuinerup inernerinik Kultureqarnermut, Ilinniartitaanermit, Ilisimatusarnermut
Ilageeqarnermullu Ataatsimiititaliamut Naalakkersuisunullu saqqummiussissasoq.

Kiisalu nalunaarussiaq Kultureqarnermut, Ilinniartitaanermit, Ilisimatusarnermut
Ilageeqarnermullu Naalakkersuisoqarfiup Kalaallilu Illuini ilinniartitaanermit
sunnertit akornanni 16. september 2010-mi ataatsimiinnermit eqqartorneqarpoq

11. oktober 2010
Sagsnr. 2010-024961
Dok. Nr. 478252

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@nanoq.gl
www.nanoq.gl

tamatumani inerniliussat ilaat pineqartuni aalajangersimasuni Nunatsinni Danmarkimilu ilinniartut atugaasa akornanni assigiinngissutinik taakkartuiffiusut eqqartorneqarlutik allannguutissatullu kaammattuutaasinnaasut aamma eqqartorneqarlutik. Ilinniartitaanermut siunnersortit kaammattuutaat ataatsimut naliliinermi tassani ilaatinneqassapput.

Misissuineq Avalaap 8. oktober 2010-mi Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliamut Naalakkersuisunullu saqqummiuppaa, tassani aamma KIK Kisarlu Iisimatusarfimmeersoq peqataallutik. Tamatumunnga aamma tunngatillugu ilisimatitsissutigineqassaaq ilinniartut kattuffiisa 11. oktober 2010-mi ataatsimeeqatigineqarnissaat isumaqatigiissutigineqarmat.

Naalakkersuisut naliliipput ilinniartut atugaannik misissuisoqarnissaa Inatsisartunit aalajangiiffigineqarsimammat kiisalu ilinniartut misissuinerimik aallartitsisoqarnissaanik aalajangersimammata Avalaap nalunaarusiamik Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliamut Naalakkersuisunullu saqqummiussinissaa pissusissamisuussasoq.

Saqqummiussineq Naalakkersuisunit isumasioqatigiinnertut isigaat kiisalu Ilinniagaqarnerisutit pillugit Inatsisartut peqqussutaanni nr. 5-imi, 14. november 2004-meersumi § 4, imm. 2 ima oqaasertaqartoq naapertorlugu kaammattuutaasinnaasunik malitseqartitsinialersaarlutik:

§ 4. Ilinniagaqarnerisutit tunniunneqarsinnaapput qaammatikkaartumik (stipendium), meeqqanut tapiissutitut, immikkut pisartakkatut, Nunatta Karsianit qularnaveeqqusigaasumik taarsigassarsiatut, imaluunniit aningaaserivinni taarsigassarsianut qularnaveeqqutitut. Ingerlaqqiffiusumik ilinniagaqartunut ilinniagaqarnerisutit qiortartakkatut periuseq malillugu piffissami aalajangersimasumi killilikkami tunniunneqartarput.

Imm. 2. Naalakkersuisut ilinniagaqartullu kattuffiisa tamanna pillugu isumasioqatigeereernerisigut qaammatikkaartumik ilinniagaqarnerisutit taarsigassarsiarineqarsinnaasullu amerlassusissaat, ikaarsaariarnermi aaqjissuussinerit aammalu immikkut tunniunneqartarumaartussat aningaasanut inatsimmi aalajangersarneqartarput.

Imm. 3. Naalakkersuisut ilinniagaqartut kattuffiinut tamanna pillugu oqaaseqaammik pissarsiniaqqaarlutik ilinniagaqarnerisutit suussusissaat amerlassusissaallu pillugit malittarisassat aalajangersartarpaat, matumani taarsigassarsianut akiligassarsianullu qularnaveqqusiisarneq pillugu malittarisassat ilanngullugit, kiisalu ikaarsaariarnermi aaqjissuussinerit.

Inussiarnersumik inuulluaqqusilluta

Mimi Karlsen